


Илл. 1. Фрагмент коронационного списка Летописи Смбата. Последняя строка – упоминание об ишхане Моловона Ажаросе.



Илл. 2. Фрагмент Летописи Смбата Гундстабля с перечислением 6-ти антиохийских баронов, перешедших на службу к Левону I.

## ԱՐԱՏԵՍԻ ԵՒ ՎԵՐԻՆ ՆՈՐԱՎԱՆՔԻ ԳՐԶՈՒԹԵԱՆ ԿԵՆՏՐՈՆՆԵՐԸ

Լուսիսէ Բարսեղեան

Հայ եկեղեցու պատմութեան մէջ Նորավանքի եպիսկոպոսարանը եպիսկոպոսական աթոռների շարքում առանձնացել է մի իւրայատկութեամբ, այն է՝ բուն աթոռանիստ վայրից բացի, եւս երկու վանքերի՝ Արատէսի եւ Վերին Նորավանքի ներգրաւումը, մէկը որպէս ամառային նստավայր, միւսը՝ ուսումնական կենտրոն<sup>1</sup>:

Արատէսի մասին մեզ հասած մատենագրական եւ վիճաբարական տուեալները թէեւ շատ չեն, այդուհանդերձ, դրանց համակարգման ու ամբողջացման արդիւնքում կարելի է պատկերացում կազմել այժմ կիսաւէր վանքի երբեմնի նշանակութեան եւ ծաւալած գործունէութեան մասին: Արատէսի վանքը<sup>2</sup> բաղկացած է երեք եկեղեցիներից՝ Սբ. Սիոն (է. դ.), Սբ. Աստուածածին (ժ. դ. վերջ - ժ.Ա. դ. սկիզբ), Սբ. Կարապետ (ժ.Ա.-ժ.Բ. դ.դ.) եւ ժ.Գ. դարի երկրորդ կէսին կառուցուած գաւիթ-ժամատնից: Վանքամերձ տարածքում կան նաեւ է.-ժ.է. դ.դ. խաչքարեր եւ տապանաքարեր:

Արատէսի գրչութեան կենտրոնի գործունէութիւնը վերաբերում է ժ.Գ.-ժ.Զ. դարերին: Այս ժամանակաշրջանի սկզբում վանքը գտնուել է Պոռթեանների իշխանական տան հովանու ներքոյ: Պոռթեանց իշխանութեան հիմնադիր Վասակ խաչքակեանը Վայոց ձորի ամրոցների ազա-

տագրման փաստի առթիւ 1220 թ. արձանագրութիւն է թողել Արատէսի վանքում<sup>3</sup>: Արատէսը վերելք է ապրել Օրբէլեանների իշխանութեան ներքոյ յայտնուելուց յետոյ: Յայտնի է, որ 1270 թ. Սմբատ Օրբէլեանի պատուէրով վանքի առաջնորդ արեղայ Հայրապետը նորոգել է Արատէսի եկեղեցիները, կառուցել գաւիթը եւ այգիներ նուիրել վանքի Սբ. Սիոն եկեղեցուն<sup>4</sup>: Այս նոյն Հայրապետի մասին տեղեկութիւն ենք ստանում Արատէսի վանքի մասին մատենագրական առաջին յիշատակութիւնը պարունակող ձեռագրում՝ գրուած 1284 թ. Գնդէվանքում, որտեղ գրիչ Յովհաննէսը նշում է, որ ձեռագրի ստացող Վարդան վարդապետը Արատէսի դպրոցի եւ Հայրապետ ուսուցչի սանն է եղել («...սնեալ եւ վարժեալ ի սորբ ուխտին, որ կոչի Արատէս, առ ոտս աստուածագարդ րաբունոյ Հայրապետի, անրոգիչ եկեղեցոյ եւ սիրող սրբութեան...»)<sup>5</sup>: Այստեղից պարզ է դառ-

1 Կ. Մաթեոսեան, Դրուագներ Նորավանքի եպիսկոպոսական աթոռի պատմութիւնից (Արատէս եւ Նորավանք)։ Նորավանք (յօդուածների ժողովածոյ), Մոնրէալ-Երեւան, 2001, էջ 62-76:  
 2 Հնում կոչուել է նաեւ Այսասի, Արատեանք, ուշ շրջանում՝ Ղզիգիւղ:

3 Կեչառուքը եւ Վայոց ձորի մի մասը Ջաքարեանների կողմից վարձատրութիւն էր վասակին՝ երկու գաւառների գրաման գործակցութեան համար: Տե՛ս Դիւան հայ վիճագրութեան (այսուհետեւ՝ Դիւան), կազմեց՝ Ս. Բարխուդարեան, Երեւան, 1967, պրակ 3, էջ 123. Գ. Յովսէփեան, Խաղրակեանք կամ Պոռթեանք հայոց պատմութեան մէջ, Անթիլիաս-Լիբանան, 1969, էջ 9, Յանելուած Ա. 3:  
 4 ժ.Գ. դարի երկրորդ կէտը յատկանշուած է Օրբէլեանների ծաւալած շինարարական լայն գործունէութեամբ (1261 թ. Նորավանքի Սբ. Կարապետ եկեղեցու գաւթի, 1273-1290 թթ. Նորավանքի հիւրատան, 1275 թ. Օրբէլեանների տոհմական դամբարանի, ինչպէս նաեւ Արփա գետի վրայ կամրջի կառուցումները):  
 5 Յուցակ հայերէն ձեռագրաց Նոր Ջուղայի Ամեմափրկիչ վանքի, կազմեց՝ Ս. Տէր-Աւետիսեան, հտ. Ա, Վիեննա, 1970, էջ 50, ձեռ. թիւ 35:



րապտոյտ հիւսուածքազարդերի մէջ, մէկական թագակիր յուշկապարիկներ են պատկերուած<sup>17</sup>:

Գլխազարդի վրայ տեսանելի են կիսով չափ պահպանուած զոյգ սիրամարգերը: Աւետարանը սկսուած է Մատթէոսի խորհրդանիշ մարգարէի գլխատառով, որին յաջորդում են թռչնագիր տառեր: Ձեռագրի միակ պահպանուած ամբողջական պատկերը ներկայացնում է Ղուկաս աւետարանչին (թերթ 31բ): Հազիւ նկատելի է նաև Ղուկասի անուանաթերթի մի փոքր հատուածը: Մանրանկարում Ղուկասը պատկերուած է աշխատանքի պահին խորհելիս՝ սեւեռուն հայեացքն ինչ-որ կէտի յառած (նկ. 1): Ձախ ձեռքը պահել է բերանի մօտ, իսկ աջով գրում է ծնկին դրած գրանիւթի վրայ (տեքստի ուղղութիւնը վարից վեր է): Հագին ունի կանաչաւուն պարեգօտ եւ կապոյտ վերնազգեստ, ոտքերին՝ սանդալներ: Հագուստի ծաւալային մշակման հետեւանքով աւետարանիչը խոշորամարմին է թւում: Նստած է ցածր աթոռակին դրուած երկարաւուն մեծ բարձի (մութակայ) վրայ, լայն բացուած ոտքերի տակ երկու փոքրիկ գորգ կայ: Ղուկասի դէմքն առանձնանում է մեծ արտայայտչականութեամբ. խոշոր նշածեւ աչքերը, երկար յօնքերը, նրբորէն զծագրուած քիթը, սրածայր թաւ մօրուքը, այտերի կարմրաներկը ստեղծում են անհատականացուած մի կերպար, որն ամբողջացնում է մագերի բաւական իւրօրինակ յարգարանքը՝ բաղկացած նուրբ ու բարակ դծերից, որ խոշոր ալիքներով միահիւսուած են իրար: Մանրանկարի ֆոնը հարթային է՝ նախազարդ երիզով բաժանուած երկու մասի: Վերին անկիւններում զոյգ կամար-

ները հանգչում են բարակ սիւներին, որոնց վրայ փաթաթուել են վարագոյրները (կարմիր եւ մանուշակագոյն): Ներքեւում, կամարածեւ բացուածքից բացի, ոչինչ չկայ:

Անյայտ ծաղկողի (հաւանաբար՝ Պողոսի) պատկերած այս նկարը հնարաւորութիւն է տալիս նրան վերագրելու նաև մէկ այլ ձեռագիր՝ Վիեննայի Միխայիլեան միաբանութիւնում պահուող թիւ 460 Աւետարանը: Ձեռագրի ստեղծման տեղն ու ժամանակը գլխաւոր յիշատակարանի բացակայութեան պատճառով անյայտ են, սակայն ձեռագրում կայ յետագայի յիշատակարան մատեանի գնման մասին. «Կատարեցաւ սուրբ Աւետարանս այս ի թվ. 247. (1315 թ.): Ես Սարգիս Ծաֆիս որդի, որ ստացա ի հալալ արդեանց եւ գնեցի զսա Պողոս վարդապետ Ծ (50) դկ [դահեկանի] վասն հոգոյ որ յիշատակ իմ հանապագ»<sup>18</sup>: Ինչպէս տեսնում ենք, 1315 թ. Շահի որդի Սարգիսը ձեռագրից 60 դահեկանով գնել է Պողոս վարդապետից, որը, կարծում ենք, մեզ յայտնի մանրանկարիչ Պողոս վարդապետն է:

Ի տարբերութիւն Մատենադարանի ձեռագրի՝ այս մատեանը պարունակում է ութ խորան, չորս կիսախորան եւ բազում լուսանցազարդեր ու զարդագրեր: Պահպանուած միակ պատկերը՝ Մարկոս աւետարանչի, ինչպէս նշուած է ձեռագրի նկարագրութեան մէջ, գրքից հանուած է եղել (թերթ 99բ, նկ. 2): Երկու ձեռագրերի (ՄՄ, թիւ 4446, Վիեննա, թիւ 460) աւետարանիչների պատկերների ու անուանաթերթերի համեմատութիւնը վկայում է, որ

18 Մայր ցուցակ հայերէն ձեռագրաց մատենադարանին Մխիթարեանց ի Վիեննա, կազմեց Վ. Տաշեան, գիրք Ա, Վիեննա, 1895, էջ 934. Հայ ձեռագիրներ Մխիթարեան մատենադարանի ի Վիեննա, կազմեցին Հայդէ եւ Հելմուտ Բուշհաուս, Վիեննա, 1978, էջ 29: Heide und Helmut Buschhausen, Armenische Handschriften der Mechitharisten Congregation in Wien, Wien, 1981, S. 120-121:

17 Թագակիր յուշկապարիկի մոտիւր յայտնի է սասանեան շրջանից: Այն առկայ է ե՛ր ձեռագրերում, ե՛ր ճարտարապետական կառուցների յարդարանքներում, ե՛ր խեցեգործութեան մէջ (տե՛ս B. Даркевич, Сметское искусство Византии, М., 1975, с. 194-195):

դրանք միեւնոյն նկարչի վրձնին են պատկանում: Չի բացառուում նաև, որ Մարկոսի պատկերը ժամանակին մասն է կազմել ՄՄ թիւ 4446 ձեռագրի: Դժուար է տեսնել երկու աւետարանիչների պատկերներն իրար կապող յատկանիշները (դիմագծերը, մագերի միատիպ մշակումը, հագուստի մոդելավորումը, որ ներքեւում աւարտուած է ատամնաւոր ծալքերով, յետախորքի միեւնոյն ճարտարապետական լուծումը, մանրանկարի շրջանակի զարդանախշը, օգտագործուած գոյները): Ոճաւորման գրաֆիկական զգացողութիւնը, կատարման մոնումենտալութիւնը նրանց որոշակի քանդակային տեսք են հաղորդում: Մարկոս աւետարանիչն առանձնանում է իր դիրքով. նա արեւելեան սովորութիւններին բնորոշ ծալապատիկ ձեւով նստած է անմիջապէս մութակայի վրայ:

Այս պատկերները որոշ յատկանիշներով գուգահեռներ ունեն կալիֆոռնիայի համալսարանում պահուող Գլաձորի Աւետարանի հետ (1300-1307 թթ., կալիֆոռնիայի համալսարան, MS.1), որի նկարազարդմանը մասնակցել է մի քանի նկարիչ<sup>19</sup>: Մեր մանրանկարները մօտ են ձեռագիրը ծաղկած «երկրորդ» նկարչին, որ աշխատել է Եղեգիսում կամ Նորավանքում եւ որին յարում են նաև Մոմիկի աշխատանքները<sup>20</sup>: Մոմիկի ոճն էլ իր հեր-

թին առնչութիւն ունի Եղեգիսի նկարիչ Սարգսի 1306 թ. նկարազարդած Աւետարանի հետ:

ԺԳ.-ԺԵ. դարերում Օրբէլեան իշխանների նստավայր Եղեգիսը, որը գտնուած է Արատէսից հարաւ-արեւմուտք, եւս ճանաչուած է եղել որպէս մանրանկարչութեան կենտրոն: Միանգամայն տրամաբանական է, որ այս կենտրոնները (Նորավանք, Արատէս, Եղեգիս), որ իրարից հեռու էին, սերտօրէն կապուած էին միմեանց հետ: Նորավանքի եւ Եղեգիսի ոճը մասամբ ասոցացուած է Օրբէլեանների հետ, մինչդեռ Գլաձորինը՝ Պոսեանների<sup>21</sup>: Այդ դպրոցներում ոճական ուղղութիւնների տարբերութիւնը մասամբ բացատրուած է դրանց տարբեր իշխանական տների պատկանելութեամբ<sup>22</sup>: Չնայած այս հանգամանքին՝ Օրբէլեանները հովանաւորում էին Գլաձորի համալսարանը, նաև՝ Վերին Նորավանքի դպրոցն ու գրչատունը:

ԺԳ. դարի վերջում եւ ԺԴ. դարի սկզբում Սիւնիքի նկարիչները ձեռագրերի խորանները, անուանաթերթերն ու ճակատազարդերը ձեւաւորելիս մեծապէս օգտ-

19 Ձեռագրի մասին տե՛ս A. Sanjian, The Gladzor book of the early fourteenth century at U.C.L.A., p. 24-32. T. Mathews, The Gladzor gospel book of U.S.L.A.- Հայ արուեստի անուանաթերթի միջազգային երկրորդ սիմպոզիում, Երևան, 1978, էջ 33-38. A. Sanjian, Medieval Armenian manuscripts at the University of California, Los Angeles, 1999, p. 46-63. T. Mathews, A. Sanjian, Armenian Gospel iconography, The tradition of the Gladzor gospel, iconography, The tradition of the Gladzor gospel, Washington, 1991. T. Mathews, R. Wieck, Treasures in Heaven, New York, 1994, p. 91-94. T. Mathews, A. Taylor, The Armenian gospels of Gladzor, Los Angeles, 2001:

20 Ս. Տէր-Ներսէսեանը ցոյց է տուել, որ Մոմիկը Նորավանքի հետ կապ ունի եւ չէր կարող Գլաձորի դպրոցի անկախացումից լիցել, ինչպէս

կարծել է Ա. Աւետիսեանը (տե՛ս Ա. Աւետիսեան, Աշխատանքներ Եղեգիս-Նորավանք ոճի հետ կապում է մի քանի ձեռագիր (Նիւ Եորք, Մետրոպոլիտենի արուեստի թանգարան, 38. 171.2, Պիերպոլ Մորգան գրադարան, MS 620) եւ այն առաւել ամբողջական նկարագրելու համար դրա ծագման աղբիւրը գտնում Ամիի ԺԳ. դարի նկարիչ Իգնատիոսի մօտ, միս կողմից՝ հետախուզում է դրա զարգացմանը Թարսի կիրակոսի աշխատանքներում մէկ դար յետոյ (տե՛ս T. Mathews, A. Sanjian, op. cit., p. 63, S. Der-Nersessian, A. Mekhitarian, Armenian miniatures from Isfahan, Belgium, 1986, p. 60-88, Ցուցակ հայերէն ձեռագրաց Նոր Զոռայի Ամենափրկիչ վանքի, հտ. Ա., էջ 66, 205):

22 T. Mathews, A. Sanjian, op. cit., p. 62:

ւում էին Կիլիկիայի մանրանկարչական ձեռքերումներից: Կիլիկեան յարգարանքի հետ են կապվում ոսկով ուրուագծումը, պարուրածեւ ոլորագարդերը՝ եռամաս սրածայր նախշերով, ճակատագարդի արտաքին անկիւնների զարդամոտիւնները, որոնք կիրառուել են Վայոց ձորի շատ զրչատների ձեռագրերում<sup>23</sup> (նաեւ ՄՄ թիւ 4446, Վիեննայի թիւ 460 ձեռագրերի անուանաթերթերը): Այդ ազդեցութիւնը պայմանաւորուած էր նաեւ այն հանգամանքով, որ ԺԴ դարում տեսնում ենք կիլիկեան ձեռագրերի նուիրաբերման՝ դէպքեր բուն Հայաստանի վանքերին կամ հոգեւորականներին<sup>24</sup>: Բացի այդ, Կիլիկիայից Վայոց ձոր եւ մասնաւորապէս՝ Գլաձորի համալսարան ուսանելու էին գալիս արդէն զրչութեան արուեստում հմտացած մարդիկ (Մատթէոս, Պողոս, Տիրատուր Կիլիկեցիներ եւ այլք):

Իր ոճով, գծանկարի նրբութեամբ, ոսկէ յետնախորքի վրայ փայլող գոյներով եւ բուսական-դանական զարդածեւերի ընտրութեամբ ու մշակմամբ կիլիկեան ականդոյթներին է հետեւում Սիւնիքում 1300 թ. Յովհաննէս Օրբէլեանի պատուիրած ձեռագրի առատ ձեւաւորումը, որը կիլիկեան ականդոյթների՝ դէպի Հայաստան ներթափանցման համար կարեւոր օղակ է (Նոր Զուղա, ձեռ. թիւ 477)<sup>25</sup>: Այս երեւոյթին նպաստում էր յատկապէս Կիլիկիայից Գլաձոր եկած վարպետների ազդեցութիւնը, որոնք իրենց հերթին դպրոցներ հիմնեցին Վայոց ձորի տարբեր վայրերում՝

23 Կիլիկեան մանրանկարչութեան հետ փոխադրութիւնների մասին տե՛ս Ս. Մանուկեան, Անուանաթերթերը Մոսկի ծաղկած ձեռագրերում, Մոսկի-750, Ջեկուցումների ժողովածոյ, Երեւան, 2011, էջ 56-57:  
 24 В. Казарян, С. Манукян, Матенадаран, М., 1991, с. 187.  
 25 S. Der-Nersessian, A. Mekhitarian, op. cit., p. 64, Յուցակ հայերէն ձեռագրաց Նոր Զուղայի Ամենափրկիչ վանքի, հտ. Ա, էջ 51:

նորովի շարունակելով մանրանկարչական ականդոյթները<sup>26</sup>: Սակայն, ի տարբերութիւն Կիլիկիայի, որտեղ ԺԴ դարում նոր միայն բնութագրական է դառնում ցայտուն արտայայտուած արեւելեան միտումը, բուն Հայաստանում արեւելեան ականդոյթները երբեք չեն դադարել առաջատար դեր խաղալուց<sup>27</sup>: Դրանք առաւել ակնառու կերպով արտայայտուեցին յատկապէս սելջուկեան արչականքներից յետոյ (ԺԱ. դարի կէս – ԺԳ. դար): Վայոց ձորի քանդակագործութիւնը, որ ծաղկման հասաւ ԺԴ դարում, եւս հիմնուած էր արեւելեան ականդոյթների վրայ<sup>28</sup>:

Այս տարածաշրջանի արուեստի տարբերակող գծերից մէկն էլ քանդակագործութեան եւ մանրանկարչութեան միջեւ սերտ կապն էր, որոնք մի շարք յատկանիշներով մօտենում են իրար<sup>29</sup>: Ժամանակի ընթացքում միջմշակութային փոխառնչութիւնների զարգացման արդիւնքում տեղական ազգային ականդոյթներին միահիւսուեցին մշակութային տարբեր շերտեր՝ նպաստելով ինքնատիպ մի ոճի ստեղծման,

26 Տիրատուր Կիլիկեցի՝ ղեկավարեց Հերմոնի դպրոցը, Յովհաննէս Որոտնեցի՝ Տաթևի, Դաւիթ թաթուհապետը՝ Վերին Նորավանքի (որին կ'անդրադարձանք ստորեւ) եւ այլն:  
 27 В. Лазарев, История византийской живописи, т. I, М., 1986, с. 184.  
 28 Արեւելքի բնորոշ մեծ, նշանաւ աչքերի կիրառումը հանդիպում է վայոցձորեան հետեւեալ քանդակներում՝ 1273 թ. Եղեգիսի մահարձանի տիմպան, 1274 թ. Եղեգիսի իշխանական պալատ, 1321 թ. Սպիտակաւորի բարձրաքանդակ: Այդ քանդակների մասին տե՛ս Պ. Դոնաբեդեան, Նորավանքի քանդակագործական յուշարձանի անանձնայատկութիւնները եւ ստեղծման ժամանակը, - Լրաբեր, 1979, թիւ 11, էջ 101. П. Донабедян, Тимпан Ехегисского надгробного памятника 1273, - ՊԲՀ, 1979, թիւ 3, էջ 189-206:  
 29 Այն, որ Արատէսն ու Նորավանքը կապուած են եղել, վկայում է նաեւ Արատէսի գաւթի արեւմտեան շքամուտքի ճակատակալ քարը (Աստուածամայրը մանկան հետ՝ երկու կողմերում կտիտորներ, չի պահպանուել), որը յարում է Մոսկի գործերին:

որպիսին տեսնում ենք Արատէսում, Նորավանքում ու Եղեգիսում: Սակայն մշակութային այս ծաղկումը ԺԴ դարի վերջերին Լենկ Թեմուրի արչականքներով պայմանաւորուած խաթարում է եւ յանգեցնում իշխանական տների քայքայմանը, որի պատճառով մեզ հասած գրաւոր աղբիւրներն Արատէսի մասին լուծ են մինչեւ ԺԶ դարը: Այս շրջանում՝ 1515 թ., Կարապետի պատուէրով Ներսէս արքայն Աւետարան է գրում «...ընծայ եւ ներ յաստուածապահ եւ յանդաշտէն գեղն ի Յարատեանց կոչեցեալ, ի դուռն սբ. Գրիգորի» (ՄՄ, ձեռ. թիւ 3867, թ. 315ա): Յայտնի է Արատէսի վանքում Ստեփանոս արքայի պատուիրած եւ Սրապիոն արքայի ընդօրինակած մի ձեռագիր եւս, որի զրչութեան ժամանակը յայտնի չէ, սակայն 1586 թ. Իսրայէլ երէցը Յղուերծ գիւղում ծաղկել է այն՝ Յովհաննէս արքայի նախաձեռնութեամբ (ՄՄ, ձեռ. թիւ 3867):

Այսպիսով՝ վերոյիշեալ սակաւաթիւ աղբիւրները փաստում են, որ Արատէսի վանքը, Օրբէլեանների ամառանոց-նստավայրը լինելուց բացի, ԺԳ. դարից սկսած եղել է նաեւ զրչութեան կենտրոն ու վարդապետարան՝ իր շուրջը համախմբելով բեղումնաւոր արուեստագէտների, եւ կապեր է ունեցել այլ մշակութային կենտրոնների հետ:

Այժմ անդրադառնանք Օրբէլեանների եպիսկոպոսարանի կրթամշակութային միւս կենտրոնի՝ Վերին Նորավանքի գործունէութեանը:

Քանի որ Վերին Նորավանքի տեղորոշումը դեռեւս յայտնի չէ, ստիպուած ենք բաւարարուել պահպանուած ձեռագրերի յիշատակարանների եւ պատմիչների կցկտուր տեղեկութիւններով: Ինչպէս տեսանք, երկու Նորավանքերի մասին իր պատմութեան մէջ յիշատակում է դեռեւս Ստեփանոս Օրբէլեանը:

Վերին Նորավանքում գրուած մեզ յայտնի ձեռագրերն ընդգրկում են 1312-1495 թթ.: Սակայն վանքն առաջին անգամ յիշատակուած է Սիւնեաց մետրապոլիտ Յովհաննէս Օրբէլի զրչագրած 1302 թ. Աւետարանում (Նոր Զուղա, ձեռ. թիւ 243), համաձայն որի յիշատակարանի՝ վերջինս Դաւիթ վարդապետի խնդրանքով Վերին Նորավանքին չորս գիւղ է տալիս<sup>30</sup>: Ինչպէս պարզուած է, Դաւիթը եղել է Գլաձորի համալսարանի բարունապետներից, որը յետագայում ղեկավարել է Վերին Նորավանքի դպրոցը<sup>31</sup>: Նրա պատուէրով էր գրուել արդէն յիշատակուած՝ Պողոսի 1307 թ. Աւետարանը. «Գրեցաւ սա հրամանաւ եւ արդեամբ մեծ վարժապետին Դաւթի» (Վենետիկ, ձեռ. թիւ 1917, թերթ 293): Ուշագրաւ է, որ մի շարք յիշատակարաններում Դաւիթի անունը հանդիպում է Եսայի Նչեցու հետ. «...ի վարժապետութեան մեծիս Եսայեայ եւ եռամեծին Դաւթայ» (ՄՄ, ձեռ. թիւ 3393, Աւետարան, 1309 թ., թերթ 258ա): 1312 թ. Դաւիթը Գլաձորում ստանում է Ներսէս Լամբրոնացու Սաղմոսների մեկնութիւնը (ՄՄ, ձեռ. թիւ 4679): Նոյն թուականին նրան տեսնում ենք Վերին Նորավանքի դպրոցի ղեկավարի պաշտօնում. «...գրեցաւ սուրբ աւետարանս ի գաւառիս յԵղեգեաց, ի վանս, որ Վերի Նորավանս կոչի... յառաջնոր-

30 Յուցակ հայերէն ձեռագրաց Նոր Զուղայի Ամենափրկիչ վանքի, էջ 709:  
 31 Դաւիթը մասնակցել է նաեւ 1295 թ. Ստ. Օրբէլեանի գլխաւորութեամբ գումարում ժողովին: Նրա անունը կայ 1307 թ. Կոստանդին Կեսարացի կաթողիկոսին ուղղուած սինեցիների ցամաքի ստորագրողների մէջ՝ Եսայի Նչեցու հետ միասին (տե՛ս Հ. Ղեւոնդ Արշաւ, էջ 134-135. Յուցակ ձեռագրաց ի վիճակ, էջ 180): Հնարատու է, որ այս նոյն Դաւիթն է յիշատակուած ՄՄ թիւ 1981 ձեռագրում, որի յիշատակարանը (թերթ 91բ) հաստատաբար է պահպանուել. «Երջանիկ եւ զբազմաշնորհ զերիցս եր[անեալ թաթու]նապետն Դ[աւիթ], յիշեցէք ի Քրիստոս» (ԺԴ դարի յիշատակարաններ, էջ 335. Մայր ցուցակ հայերէն ձեռագրաց Մաշտոցի անուան Մատենադարանի, հտ. Զ, Երեւան, 2012, էջ 822. առաջինում նշում է ԺԴ դար, երկրորդում՝ ԺԳ դար):

դուրսեան սուրբ րաբունապետիս Դաւթի»<sup>32</sup>: Վերին Նորավանքում Դաւիթը յիշատակուում է նաեւ Մատթէոս քահանայի գրչագրած 1318 թ. ժողովածոյի մէջ (Նոր Զուղա, ձեռ. թիւ 98)<sup>33</sup>: 1321 թ. Դաւիթը կրկին Գլաձորում է, որտեղ գրիչ Կիւրոնը գրում է. «...ի վարժապետութեան սուրբ եւ բազմերջանիկ քաջ հոգեւորաց Հայոց՝ երկուց ամուլաց ճշմարիտ հաւատոյ մերոց Դաւթի եւ Եսայեայ» (Բրիտանական թանգարան, ձեռ. add. 15.411)<sup>34</sup>: Այս հանգամանքը փաստում է, որ Դաւիթն իր ժամանակի նշանաւոր անձանցից է եղել եւ մեծ հեղինակութիւն վայելել: Նրա ուսուցչապետութիւնը բնութագրող համապարփակ ներքող է պահպանուել Ղեւոնդ Ալիշանին յայտնի մի գրչագրում.

...արի եւ քաջ հայր պատուական  
Պուտիկոս աստուածաբան  
Տէր վարդապետ հրաշագան  
Պատմող բանին անհունական...<sup>35</sup>:

Մինչեւ երբ է Դաւիթը ղեկավարել Վերին Նորավանքի դպրոցը, ստոյգ յայտնի չէ, բայց 1329 թ. նա արդէն կենդանի չէր, եւ Վերին Նորավանքի առաջնորդ է յիշուում Գլաձորի համալսարանում Յովհաննէս րաբունապետին աշակերտած Կիւրոնը. «...սբ. րաբունապետին Կիրոնի, առաջնորդի մեծ մեծաստանիս Վերի Նորավանք կոչեցելոյ, սպասարի սբ. գերեզմանի րաբունապետին Դաւթի...»<sup>36</sup>: 1333 թ. նա այստեղ եւս մի ձեռագիր է գրում՝ յիշատակելով Եսայի դպրապետի մօտ ուսանելու մասին

(ՄՄ, ձեռ. թիւ 5651, թերթ 228թ)<sup>37</sup>: Մինչեւ Վերին Նորավանքում ուսումնամանկավարժական գործունէութիւն ծաւալելը Կիւրոնը 1311 թ. գրչագրում է երկու ձեռագիր, որոնցում իրեն կոչում է «սուտանուն սպասար բանի» (ՄՄ, ձեռ. թիւ 1460, թերթ 209թ)<sup>38</sup> եւ «գրագմավեր ծրող» (ՄՄ, ձեռ. թիւ 3463)<sup>39</sup>:

Վերոյիշեալ տեղեկութիւնները վկայում են, որ Գլաձորն ու Վերին Նորավանքը, չնայած պատկանել են իշխանական տարբեր տներին, համագործակցել են. նրանց սաները սովորել են ե՛ւ Գլաձորում, ե՛ւ Վերին Նորավանքում ու միասին են յիշատակուում այդ վայրերում ընդօրինակուած ձեռագրերում: Այդ փաստի օգտին է խօսում 1360 թ. Երուսաղէմում գրուած Մաշտոցը, որի յիշատակարանում նշուում է, որ եպիսկոպոս Սարգիսը կրթութիւն է ստացել ե՛ւ Գլաձորում, ե՛ւ Վերին Նորավանքում՝ Կիւրոնի մօտ. «...սնեալ եւ վարժեալ յարեւելս ի մայրս իմաստից եւ յերկրորդ յԱթէնս ի վայու ձորն, ի հոչակաւոր եւ յաստուածաբանական վանքն ի սուրբ Սիոն Վերին Նորավանս, յառաջնորդութեան մեծին րաբունոյն Կիրոնին»<sup>40</sup>:

Օրբէյեանները հովանաւորել են նաեւ Գլաձորի աւանդոյթները շարունակող Հերմոնի վանքը, որն աւելի մօտ էր Վերին Նորավանքին:

1456 թ. Ճառնտիրը ծաղկած Եսային, որը Մատթէոս գրչի կողմից յիշուում է «որպէս բանիբուն փիլիսոփայ եւ անհաս ակարող»

32 Ժ. Դարի յիշատակարաններ, էջ 90:  
33 Յուցակ հայերէն ձեռագրաց Նոր Զուղայի Ամենափրկիչ վանքի, հտ. Ա., էջ 744:  
34 F. Conybeare, A catalogue of the Armenian manuscripts in the British museum, Oxford, 1913, p. 22.  
35 Ղեւոնդ Ալիշան, էջ 135:  
36 Մայր ցուցակ ձեռագրաց սրբոց Յակոբեանց, կազմեց Ն. Ս. Պողարեան, Երուս., 1967, հտ. Բ, էջ 316, ձեռ. թիւ 391:

37 Ժ. Դարի յիշատակարաններ, էջ 257:  
38 Նոյն տեղում, էջ 82. Մայր ցուցակ հայերէն ձեռագրաց Մաշտոցի անունով Մատենադարանի, կազմեցին Ա. Քեօշկերեան, Կ. Սուքիասեան, Յ. Քեօշկերեան, հտ. Դ, Երեւան, 2008, էջ 1317:  
39 Ժ. Դարի յիշատակարաններ, էջ 83:  
40 Մայր ցուցակ ձեռագրաց սրբոց Յակոբեանց, հտ. Է, աշխ. Ն. արք. Պողարեանի, Երուսաղէմ, 1974, էջ 217-218, ձեռ. թիւ 2156:

(ՄՄ, ձեռ. թիւ 993, թերթ 768թ)<sup>41</sup>, հանդիպում է նաեւ Հերմոնի եւ Եղեգիսի գրչատներում: 1470 եւ 1471 թուականներին գրուած երկու ձեռագրեր վկայում են, որ Վերին Նորավանքում գոյութիւն է ունեցել Մեղուս (Մեղուանց) անունով վանք<sup>42</sup>: 1476 թ. Վերին Նորավանքի առաջնորդն է Սարգիս «արի եւ քաջ» րաբունապետը: Ձեռագրի յիշատակարանն արժեւորում է նաեւ նրանով, որ այստեղ յիշատակուում են վանքի նահատակուած ուսուցչապետեր Դաւիթը եւ Առաքելը: Ուշագրաւ է Պողոս գրչի՝ վանքի բնութագրումը. «...սուրբ եւ ի հոչակաւոր մեծաստանիս Վերի Նորավանք կոչեցեալ... որ ճշմարիտ հար եւ անմահ է Վերին Երուսաղէմի...» (ՄՄ, ձեռ. թիւ 6808)<sup>43</sup>: Իսկ 1484 թ. Աւետարանում գրիչ Գրիգորը վանքն անուանում է «երկնահանգ[ետ] եւ [մեծ]ափոյակ սուրբ ուխտ»<sup>44</sup>: Այս նոյն Գրիգորը 1487 թ. գրչագրել է եւս մի ձեռագիր «ի յերկնահանգետ եւ գերափոյակ սուրբ ուխտս Վերի Նորավանք, որ կոչի Վերին Երուսաղէմ» (թերթ 528թ): Ձեռագիրը պահուում է ԱՄՆ-ի Կոնգրեսի ազգային գրադարանում, որ վերջերս յայտնի դարձաւ մեր ուսումնասիրութեան շրջանակներում (Մերձաւոր Արեւելքի բաժին, 003.00.00)<sup>45</sup>:

Յաջորդ ձեռագիրը Վերին Նորավանքից Շարական է՝ գրուած 1490 թ. Աբրահիմ Շարականի կողմից:

41 Ժ. Դարի յիշատակարաններ, էջ 65-66. Մայր ցուցակ հայերէն ձեռագրաց Մաշտոցի անունով Մատենադարանի, հտ. Գ, Երեւան, 2007, էջ 167:  
42 Ղ. Փիրղալեմեան, Նշխարք պատմութեան Հայոց, հտ. Ա (ՄՄ, ձեռ. թիւ 6273), էջ 311-312. Ժ. Դարի հայերէն ձեռագրերի յիշատակարաններ, կազմեց՝ Լ. Խաչիկեան, հտ. Բ, Երեւան, 1958, էջ 299, էջ 318:  
43 Ժ. Դարի յիշատակարաններ, հտ. Բ, էջ 399:  
44 Յուցակ հայերէն ձեռագրաց Թարգիսի, կազմեց՝ Լ. Աճառեան, Վիեննա, 1910, էջ 16, ձեռ. թիւ 15. Ժ. Դարի հայերէն ձեռագրերի յիշատակարաններ, հտ. Գ (1481-1500), կազմեց Լ. Ա. Խաչիկեանը, Երեւան, 1967, էջ 57:  
45 <http://www.loc.gov>

համ գրչի ձեռքով<sup>46</sup>, որը վկայում է այստեղ երբեւէ գործող չորրորդ եկեղեցու՝ Սբ. Գրիգորի առկայութիւնը<sup>47</sup>: 1495 թ. Բոլորաբերդի յայտնի գրիչ-մանրանկարիչ, րաբունապետ Աբրահամի պատուէրով Վերին Նորավանքում Աւետարան է գրուում, որը նա յետագայում ծաղկում է Տաթևի վանքում՝ 1496-1502 թթ. ընթացքում (ՄՄ, ձեռ. թիւ 5303)<sup>48</sup>:

Յաւաբ, զրկուած լինելով դրսի հաւաքածոներում գտնուող նկարազարդ ձեռագրերն ուսումնասիրելու հնարաւորութիւնից (բացառութեամբ Կոնգրեսի ազգային գրադարանում պահուողի), Վերին Նորավանքի մանրանկարչական դպրոցին ծանօթանում ենք այս չորս ձեռագրերի միջոցով՝ 1333 թ. Աւետարան (ՄՄ, թիւ 5651), 1456 թ. Ճառնտիր (ՄՄ, թիւ 993), 1476 թ. Աւետարան (ՄՄ, թիւ 6808), 1487 թ. Աւետարան (Կոնգրեսի ազգային գրադ., թիւ 003.00.00):

Դրանցում նկատուում է ոճական երկու ուղղութիւն. թիւ 5651 ձեռագրում,

46 Л. Меликсет-Бекоев, Рукописи Шаракана XV века открытая в Одессе, Тифлис, 1913. Ժ. Դարի յիշատակարաններ, հտ. Գ, էջ 147-148:  
47 Միւս յիշատակարաններում ճշուած են միայն Սբ. Սիոն եւ Սբ. Աստուածածին (հանդիպում է նաեւ Մայր լուսոյ, Լուսոյ մօր տարբերակով, որ միջնադարում բնութագրել է Մարիամ Աստուածածին) եկեղեցիները:  
48 Աբրահամ վարդապետ Մկրտչեանը նոյնացնում է Արատէսի վանքը Վերին Նորավանքին (տե՛ս Ա. Վրդ. Մկրտչեան, Էջեր Սիւնեաց աթոռի պատմութիւնից, Էջմիածին, 1995, էջ 91-100): Սակայն Ստեփանոս Օրբէյեանն իր պատմութեան մէջ երկու վանքերը իրարից անջատ է ճշում, ինչպէս տեսանք վերեւում: Բացի այդ, Վերին Նորավանքի յիշատակութեամբ ձեռագրերում հանդիպող Դաւիթ, Կիրոն, Առաքել եւ Սարգիս րաբունապետերի անունները, ինչպէս նաեւ՝ Մեղուս կոչուած եկեղեցին, չկան Արատէսի մասին վկայութիւններում եւ հակառակը՝ Արատէսի գործիչների անունները չեն հանդիպում Վերին Նորավանքում: Համընկնում են միայն երկու վայրերում գոյութիւն ունեցած Սբ. Սիոն, Սբ. Աստուածածին եւ Սբ. Գրիգոր եկեղեցիների անունները:

որը պարունակում է նկարազարդ չորս անուանաթերթեր, դեռևս զգացում է կիլիկեան ոճի ազդեցությունը, ուր իշխում են կապոյտ, կարմիր ու կանաչ գոյները: Չնայած ձեռագրի փոքր չափերին (12,5(8))՝ այն կատարում է վարպետ ծաղկողի ձեռքով: Բացի Յովհաննէսի անուանաթերթի ճակատազարդից, որը Մ-աձև է՝ բիզանդական մշակոյթից փոխառնուած, մնացած երեքն ունեն եռանիստ կտրուածք՝ արտացոլելով արեւելեան ճարտարապետական ձևերը: Մատթէոսի եւ Յովհաննէսի ճակատազարդերը լցուած են բուսածաղկային մոտիւներով: Մարկոսի ճակատազարդում առիւծամարմին մարդադէմ արարածներ են (սֆինքս)՝ թեւաւոր ու թագակիր<sup>49</sup> (նկ. 3), Ղուկասի մօտ՝ գլուխները ետ շրջած հանդիպակաց սիրամարդեր՝ փարթամ պոչերով, կենդանի ու շարժուն (նկ. 4): Աւետարանական տեքստերի սկզբնատառերը սովորաբար կազմուած են աւետարանիչների խորհրդանշաններով: Մարգարի գլխատառով, որպէս կանոն, սկսում է Մատթէոսի Աւետարանը, սակայն մեր օրինակում այն յայտնուած է Ղուկասի անուանաթերթում: Իսկ Մարկոսի անուանաթերթում գլխատառը կազմուած է ոչ թէ զիմահայեաց զոյգ առիւծներից, այլ յուշկապարիկներից: Ուշագրաւ է, որ բացակայում է աջ լուսանցազարդը, մի բազալդրիչ, որը ժ.Բ. դարից սկսած անուանաթերթի անբաժանելի մասն էր<sup>50</sup>:

49 Հայաստանի տարածքում այս երեսակայական կենդանին ծանօթ է դեռևս ուրարտական շրջանից (տե՛ս Ա. Մնացականեան, Հայկական գարդարունէտ, Եր., 1955, էջ 12, 122): Այն յաճախ է յայտնուում հայկական մանրանկարներում՝ ճիմնականում որպէս Մարկոսի խորհրդանշան: Հանդիպում է դեռևս Ամիոսն Գլարազարդուած 1053 թ. Աւետարանում, Մուղանի ժ.Ա. դարի Աւետարանում, կիլիկեան գրքարուեստում:

50 С. Манукян, Формирование титульного листа в армянской рукописной книге, - Լրաբեր, 1991, թիւ 4, էջ 99-107:

Ոճական միւս ուղղութիւնը, որ ի յայտ է գալիս արդէն ժ.Ե. դարում ստեղծուած ձեռագրերում, կապուած է տեղական դարդանկարչական արուեստի հետ եւ յատկանշուած է աւելի պարզ ձևերով: Երկրում ծաւալուող բարդ յարաբերութիւնները, ֆէոդալական խաւի վերացումը յանգեցրին Սիւնիքի գրչատների մանրանկարչական ձեւաւորումներում ժողովրդական միտումների ներթափանցմանը: 1456 թ. Ճառնտիրը պարունակում է պարզունակ կիսախորաններ ու լուսանցազարդեր: Ձեռագրերը թերեւս Եսայի ծաղկողի վաղ շրջանի գործերից է, քանզի մի քանի տարի անց Հերմոնի վանքում նա հանդէս է գալիս որպէս հմուտ նկարիչ: Յաջորդ երկու ձեռագրերում՝ նկարազարդուած 1476 եւ 1487 թուականներին, կան չորս աւետարանիչների պատկերներ, անուանաթերթեր, նաեւ լուսանցազարդեր ու դարդազարդեր (նկ. 5, 6): Սրանք թէեւ մանրանկարչական բարձրարուեստ գործեր չեն, այդուհանդերձ Վերին Նորավանքի գրչատան արգասիքն են: Աւետարանիչների պատկերներն ունեն կանոնիկ յատկանիշներ, իսկ անուանաթերթերի դարդային միջավայրը կրկնում է նախորդ դարերից եկող մոտիւները: Մատենադարանի թիւ 6808 ձեռագրի (1476 թ.) աւետարանիչների պատկերները (Յովհաննէս աւետարանչի պատկերն ու նրա անուանաթերթի ակնյայտօրէն մէկ այլ ոչ հմուտ նկարչի գործն են) իրենց ոճով ու կատարման տեխնիկայով որոշակի աղերս ունեն Բոյորաբերդի ժ.Ե. դարի նկարիչ Աբրահամի գործերի հետ (ՄՄ, ձեռ. թիւ 221, 2634): Այդ փոխազդեցութիւնը միանգամայն տրամաբանական է, եթէ հաշուի առնենք, որ Աբրահամը, ինչպէս նշուեց վերելում, եղել է Վերին Նորավանքում եւ 1490 թ. Շարական է ընդօրինակել:

Այսպիսով, ժ.Ե.-ժ.Ե. դարերում Վերին Նորավանքը Օրբէլեանների հովանաւորութեամբ մեծ հռչակ է վայելել: Այստեղ աշ-

վանքի, Արատէսի, Վերին Նորավանքի, Հերմոնի ու Եղեգիսի գրչատների արգասաւոր գործունէութիւնը:

**Ձեռագրեր Արատէսից**

Մեկնութիւն ժողովողին Գրիգորի Նիսացույ, 1303 թ. (ժ.Դ դարի յիշ., էջ 17)

Աւետարան, 1310 թ. (ՄՄ, ձեռ. թիւ 4446)

Աւետարան, 1586 թ. առաջ (ՄՄ, ձեռ. թիւ 7756)

**Ձեռագրեր Վերին Նորավանքից**

Աւետարան, 1312 թ. (Վրաստանի պետական թանգարան, ձեռ. թիւ 40)

Ժողովածոյ մեկնութեանց Ներսէս Լամբրոնացույ, 1329 թ. (Երուսաղէմի Ս. Յա-

կոբեանց վանքի մատենադարան, ձեռ. թիւ 391)

Աւետարան, 1333 թ. (ՄՄ, ձեռ. թիւ 5651)

Ծառընտիր, 1456 թ. (ՄՄ, ձեռ. թիւ 993)

Մաշտոց, 1470 թ. (Ղ. Փիրղալեմեան, ՄՄ, ձեռ. թիւ 6273)

Աւետարան, 1471 թ. (ՍՊԲ-ի Արեւելագիտութեան ինստիտուտի գրադ., թիւ B-82)


Աւետարան, 1476 թ. (ՄՄ, ձեռ. թիւ 6808)

Աւետարան, 1484 թ. (Թարիզ, ձեռ. թիւ 15)


Աւետարան, 1487 թ. (Կոնգրեսի ազգային գրադ., ձեռ. թիւ 003.00.00)

Ծարակնց, 1490 թ. (Օդեսայի պետական տետարային ուսումնարանի գրադ.)

Աւետարան, 1495 թ. (ՄՄ, ձեռ. թիւ 5303)



Այ. 1, Հմր 4446, թերթ 31բ



Այ. 2, Վիեննա, Հմր 460, թերթ 99բ



Ակ. 3, Հմր 5651, թերթ 52ա



Ակ. 4, Հմր 5651, թերթ 91ա

Ակ. 5, Հմր 6808, թերթ 1ր, Մատթեոս  
աւետարանիչԱկ. 6, Հմր 6808, թերթ 116բ, Ղուկաս  
աւետարանիչ

## LES ARMÉNIENS EN CHYPRE À LA VEILLE, PENDANT ET AU LENDEMAIN DE LA CONQUÊTE OTTOMANE<sup>1</sup>

Gérard Dédéyan

Les Arméniens sont présents en Chypre depuis la fin du VI<sup>e</sup> siècle à la suite des campagnes du futur empereur byzantin Maurice contre les Perses, en Arménie méridionale. Une partie des habitants est transplantée en Chypre pour la mise en valeur agricole et la défense de l'île<sup>2</sup>. Lorsque les empereurs de la dynastie macédonienne (en réalité d'ascendance arménienne) mettent en branle, aux dépens des Arabes, la Reconquête byzantine, ils installent en Crète (reconquise en 961) et très probablement en Chypre (comme le suggère la toponymie), à côté de «phratries» de Grecs, des «phratries» d'Arméniens<sup>3</sup>.

Sous la dynastie des Comnènes, les Arméniens sont d'abord – sous Jean II, en 1136-1137- déportés à Chypre, ensuite – sous Isaac Comnène, ci-devant gouverneur de Cilicie, puis empereur en Chypre/usurpateur (1185-1191) – recrutés pour la défense de Chypre, qu'ils assurent, à égalité de nombre avec les stratiotes grecs, lors de la

conquête de l'île par Richard Cœur de Lion (1191)<sup>4</sup>.

Au début du XIII<sup>e</sup> siècle, les Arméniens, constituant une partie des parèques, semblent avoir un solide enracinement terrien<sup>5</sup>. La toponymie est révélatrice de l'implantation rurale (Arménochôri, Arminou). La mention dans les actes, de «vignes erminesques» suggère une spécialisation<sup>6</sup>. L'emprunt, pour le vocabulaire économique et sous la forme grecque *chanoutin* du mot arménien *khanout'* (d'origine syriaque), présent dans les actes et désignant soit une taverne, soit une boutique<sup>7</sup>, amène à parler des activités commerciales des Arméniens, qui seront présentées ultérieurement.

Les alliances matrimoniales entre les Lusignans et les souverains du royaume d'Arménie cilicienne (Lewon Ier, d'abord, les Hét'oumiens ensuite) sont favorables à la coopération politi-

4 Id. *ibid.*, p. 128-129.

5 Id., *ibid.*, p. 129.

6 *Le Livre des remembrances de la Secrète du royaume de Chypre (1468-1469)*, publié par Jean RICHARD avec la collaboration de Théodore PADOPOULLOS, Centre de Recherches scientifiques, Nicosie, 1983, p. 210 et n. 2 (plants venus d'Arménie? Mode particulier de culture?), 214, 215 (voir aussi PAGOURAN – pseudonyme de Vahan M. KIURKDJIAN – *L'île de Chypre* (en arménien), Nicosie, 1903, p. 51, n. 2, Frédéric MACLER, *Île de Chypre. Notices de manuscrits arméniens*, Paris, 1923 – traduction résumée et commentaire de Pagouran, p. XXVIII, n. 1).

7 *Ibid.*, 159 et n. 3.

1 Nous remercions le Cyprus Research Centre et la Congrégation Mékhitariste pour leur aide documentaire.

2 Gérard DEDEYAN, «Les Arméniens à Chypre de la fin du XI<sup>e</sup> siècle au début du XIII<sup>e</sup> siècle», dans *Les Lusignans et l'Outre-Mer* (Actes du Colloque Poitiers-Lusignan, 20-24 octobre 1993), Poitiers, 1995, p. 122.

3 Id., *ibid.*